



## Հուսիկ Արա

### Միրո խոսք քաղաքին

Տարածությունը ամփոփվում է մեր աչքերի մեջ,  
և ժամանակը մեր կենսագրության չափով է դառնում.  
մինչդեռ ծաղկատերև շղարշների տակ  
փոթորկվում են մանրամասները անկորագիծ մարմնիդ՝  
որպես չգիտակցված գեղեցկությունը եկող ժամանակի,  
վերադարձող քաղաք՝ արևավառ ու թխարյուն մուլատուհի,  
և քեզ գիտենք մաս-մաս ու անբողջական մերկություն:  
Նախ մութուլույս մեր հիշողությունն է քո մեջ,  
թափառական ու անտանիք գիշերները քնահարամ.  
մենք երկար ենք փնտրել, մեր կորցրածի մեջ  
քաղաքներ կան և շատ ժամանակ,  
մինչև հասկացել ենք, որ գրկի մեջ արտասավելու աղջիկը դու ես,  
զգացմունքների քաղաք՝ թխարյուն կրծքերով արևելուհի:  
Մեր դիմանկարն ես խնամքով փայփայում՝  
չկորցնելով գիծն ու կորը, աղվամագն անգամ,  
որոնց մոռացել ենք մենք վաղուց.  
մեր միշտ երագն է քո մեջ՝  
որպես ապագայի հիշողություն,  
որ ամեն անգամ ետ նայելիս գտնում ենք նորից:  
Մենք քո պոետն ենք, դու՝ ներշնչանքը մեր,  
և Բաբելոնի սիրահարված գինվորի նման՝  
ինչպես հագար ու Էլի շատ տարի առաջ,  
մեր խոովքն ենք բանաստեղծորեն գրում քո պատին,

որ ընթերցեն խոստովանությունն այդ  
մյուս ու բոլոր հազար տարիներին.  
«Երևանը մեծ քաղաք է, բայց մենակ եմ ես,  
որովհետև դո՛ւ ինձ հետ չես»: